


تأبيدة

اسمي زياد وكنت فاكّر نفسي واد شاطر
وكاتب على صفحة الفيس تبعي, خبير ادارة مخاطر
وكنت- فيما مضى!- مقطع السمكة وراسها وديلها
وكل عقبة و ليها عندي, ميت ألف طريقة لتذليلها



مقضى حياتي بالطول وبالعرض, بلا تفكير
وفلبي واخذ شمال الطريق على طول, وفاتح ولا همه
يوماتي, بيتحررله مخالفات , بيكسر الأشارات ده لأنه
فاهم ان البنات لما تشوفه, ضرورى هايشتاقوا ويحنوا



مفيش حاجة في قاموسي, اسمها حب وشوق
وعمري ما فكرت يوم اني هاطب كالمدلوق
لكن المقدر حصل وخلص. وهاعمل ايه
بقيت أسيرك يا سما, عملتيها يا بنت الأيه



ومن ساعتها يا كرام, ماشي على العجين ما بلخبطوش
لساني بقى حصاني, عارف ايه اقوله , وايه ماأقولهوش
وكلامي مع بنات حوا, معمولة ألف وألف حساب
احنا اخوات فقط لا غير, مفيش لا صحاب ولا أحباب



واتحكم عليا النهارده , وخذت مع سما تأبيدة
مع الشغل والنفاذ, محلاها حبسة جميلة لذيدة
وهو في سجن أحلي من سجنك يا سما
ياللي على ايديكي, زياد تاب وأتاب وبطل شبحنة